

COMUNICÂT STAMPE

GNÛF DIRETÔR DAL CIRF PASCOLO AL INCUINTRE IL PRESIDENT DE ARLEF ZANON

Udin, ai 22 di Març 2013 - Colaborazion e disponibilît a meti adun lis respetivis capacitâts, professionalitâts e servizis par slargjâ la promovion de lenghe e de culture furlane. Chest in struc l'esit dal incuintri jenfri Paolo Pascolo, il gnûf diretôr dal CIRF- centri interdipartimentâl pe ricercje sul furlan de universitât dal Friûl e il president de ARLeF- Agjenzie regionâl pe lenghe furlane, Lorenzo Zanon.

Pascolo al à presentât a Zanon lis sôs gnovis liniis di intervent. "Il Cirf - al à spiegât - al à di continuâ sul troi de ricercje e dal studi de lenghe ma ancje di slargjâ il so intervent ai setôrs indulà che la specificitât de culture e de produtivitât dal Friûl e je plui fuarte. Par chest si àn di scandaiâ lis prospetivis di ricercje par esempi su la architettura rurâl, su la produzion agroalimentâr, su la tradizion artesanâl".

Zanon al à fat a Pascolo e al gnûf consei diretîf i siei auguris. " O sperî - al à dit il president de Arlef - che chest rignuviment al sarà une oportunitât in plui par coordinâ iniziativais di studi, ricercje, divulgazion che a vedin par finalitât il svilup de cognossincis in materie di tutele dal patrimoni linguistic. Dal rest, chest al è propit l'obietîf principâl de convenzion jenfri Universitât dal Friûl e ARLeF firmade l'an passât e che e proviôt la istituzion di un Comitât paritetic pe programazion des azions comuns di puartâ indevant pe tutele e promovion de lenghe furlane".

Elisabetta Pozzetto